



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Joannis Pierii Valeriani Bellunensis Hieroglyphica, Sive De  
Sacris Ægyptiorum Aliarumque Gentium Literis,  
Commentariorum Libri LVIII**

**Valeriano, Pierio**

**[Lipsiae] ; Francofurti Ad Moenum, 1678**

Firma prosperitas.

**urn:nbn:de:hbz:466:1-14259**



Petra Ma-  
nalis.

statim pluvia, ut memoria proditum est, cadebat: proptereaque Manalis appellabatur, quod ejus beneficio impetraretur, ut aqua à cœlo manarent.

## PERPETUITAS. CAP. II.

Saxum Ca-  
pitoli.

**A** Pud eosdem lapideus Terminus in Capitolio Divinis est honoribus celebratus: authoresque sunt, saxum illud fuisse, quod Saturnus devorare non potuerit propter magnitudinem, cum Jovem deglutire se crederet. Nam vetusta illa superstitio omnis comminiscendis fabulis implicabatur. Cassiodorus, ut quæ recepta sunt ponam, meminit aruspice interrogatum, quando imperium Romanum casurum esset: respondisse, quando saxum Capitolii cadet: addidisseque insuper si eveniret, ut unquam caderet, futurum ut post xxx. annorum millia iterum resurgeret: tanta ejus artis fuit impudentia: nisi aruspex is per tantæ multitudinis numerum perpetuitatem intellexerit, quam apertius explicuit Maro:

*Hic ego nec metas rerum, nec tempora pono,  
Imperium sine fine dedi.*

Æneid. l. i.

Atque alibi:

Æneid. l. 9.

Capitoli immobile saxum.

Nam & Serpens apud Homerum post novem Passeres devoratos in lapidem mutatus, significasse dicitur, captæ everseque Trojæ gloriam nullo unquam tempore perituram, ut scilicet Calchas attestatus erat, ὃ καὶ ὁ πρὸς Ὀλέϊ: quamquam super hoc aliter alibi.

## FIRMITAS FOEDERUM. CAP. III.

**S**ed ut significationes, quod nostrum est institutum, prosequamur, illud omnibus constat, lapidem foederum firmitatis hieroglyphicum fuisse, quod teste lapide apud veteres foedera sint firmata ex Hebræo mari solita: quæ ut homines rata scirent fore, Fœdalis Agnum lava manu, dextera silicem retinens, si falleret, Jovem ceterosque precatus Deos, ita se mactaret, quemadmodum ipse Agnum: & secundum imprecationem saxo caput pecudis elidebat: quæ latius explicata sunt apud Polybium libro tertio in fœdere cum Carthaginensibus primum icto, quod æneis tabulis inscriptum in æde Capitolini Jovis diutissime permansit. Et tale aliquid vii. Epistolarum, quas vulgus Familiæ vocat, apud Tullium, epistola ejus libri prima, ubi de histerione Æsopo loquitur. Erat & juramenti species per lapidem simpliciter, ut Athenienses jurare soliti, quod Aristoteles & Philochorus subinnuunt: & Demosthenes contra Cononem, τὰς τε περὶ τῶν κατὰ τὴν πόλιν ἐν αὐτῷ τῷ λίθῳ ἀγνοῦντες, καὶ ἐξ ὧν καὶ τῶν κατὰ τὴν πόλιν ἐν αὐτῷ τῷ λίθῳ ἀγνοῦντες. Id quod sacratissimum intra se continet veræ divinitatis arcanum: nam apud Hebræos, Ab, pater: BEN, filius: ABEN, lapis. Hic vero lapis ille est, si mysticum sensum introspicias, quem non temere Propheta memorat, & Petrus principibus populi & senioribus objectat, quod eum reprobaverint adificantes, atque mox constitutus fuerit in angustis caput.

## FIRMA PROSPERITAS. CAP. IV.

**N**on præteribo illud lapidem à cœlo lapsum felicissimi, constantisque successus in gerendis rebus aliquando fuisse signum: ut qui ad Ægos flumen visenda magnitudinis à cœlo delatus traditur paulo antequam Lyfander angustissimo temporis spatio, tam magna, tam continua felicitate, tam gloriose faceret adversus Athenienses. Quamvis perniciosum augurium Aristotimo Asiensi tyranno præstitit saxum à sublimi loco ab Aquila demissum in eam tecti partem, sub qua tyrannus cum uxore cœnam, quæ instruebatur, opperiebatur: nam paulo post ab Hellenico & aliis civibus fœdissime trucidatus est.

## PIETATIS NOSTRÆ STABILITAS. CAP. V.

**S**ed quod ad saxum ab ea volucre demissum facit, in Aquilæ Commentario statutam firmiter sedem per Lapidem in nido ab ea alite positum significari docuimus: quippe & cujusmodi ille lapis esset,

